

Արածուհիք

Գարսիւ լորտը բարեկամեալս

891-99  
W-47

1909



ԿԱՐՄԻՐ ԼՈՒՐԵՐ

ԲԱՐԵԿԱՄԵՍ

891.99  
U-47

ՄԱՅԵՆՇԵՐ, ԱԶԴԱԿ՝ ՅԻԻ 1

Գրեց՝

ԱՏՈՍ ԵՐԳՉՆԵՐԱՆ

ՍԷՆՆԵՐ

ՀՐԱՏԱՐԱԿՈՒԹԻՒՆ „ԱՐՅԻՒՆ“ ԳՈՂՈՒԼՄԱԿԱՆ ԳՐԱԿՈՋԱՌԱՆՔԻ

12 MAR 2011

14

Ս.ՏՈՄ ԵՍՐՃՍՆԵԱՆ  
(Սեփական)

891.99  
0-47

# ԿԱՐՄԻՐ ԼՈՒՐԵՐ

## ԲԱՐԵԿԱՄԷՍ

6143



Հրատարակութիւն  
ԱՐՄԻ ԺՈՂ. ԳՐԱՎԱՃԱՌԱՆՈՑԻ

1909  
Կ. ՊՈԼԻՍ

30 JUL 2013

54971

## Ս Ո Ւ Գ

«Թարթիչներս կը թըջուին արտասուքի կաթիլներով,  
Բայց չի՛մ ուզեր զանոնք թափել, կանգ մի՛ առներ,  
Սրածուխը երիվար, նպատակս տկարութիւն չի ճանչնար:»  
(Հոգեվարժի եւ Յոյսի Զահեր — ԱՍՊԵՏԻՆ ԵՐԳԸ)

Դուն թախծաղէմ անձանօթս կամ դուն հողի բարեկամ,  
Որ խրախճանքի այսօրուան ճամբաներէն կ'անցնիք,  
Ունկնդրեցէ՛ք սա մնութեան և սուգի խօսքերուս:  
Գիտեմ որ ձեր անմեղ ոտքերը դեռ թաց են ձերիննե-  
րուն արիւնէն...

Եւ ազատութեան այն վտեմ վարդը որ ձեր ցեղին ցաւերէն  
Այս դժբախտ երկինքին տակ, օր մը, վերջապէ՛ս ծաղ-  
կեցաւ,

Օտար ձեռքեր հասած են՝ ծիծաղելով՝ զայն քաղելու...:  
Բայց թո՛յլ տուէք որ անոր աստուածային բուրմունքէն  
Անխտիր՝ ամէն մարդ, երկիւղածութեամբ և լիապէս  
զինովնայ...:

Թո՛յլ տուէք որ ձեր մուրճերովը քանդակուած Արդա-  
րութեան դիցունիին առջեւ,

Եւ հեռաւորը և դրացին և ապերախտը գան՝ իրենց  
խունկը ծխելու:

Թո՛ղ սուէք դուք, ո՛վ հպարտ և հերոսական սերմնա-  
ցաններ,

Որ ձեր ոսկիէ արօրներէն բուսած հասկերը բեղուն,  
Ուրիշներ, ձեր մանգաղներովը, իրենց համար, զանոնք  
հնձեն . . . :

Որովհետեւ զիտեմ որ, եթէ անգէտ Չարիքէն է որ հա-  
լածուելով կը մեռնիք,

Բայց միանգամայն դուք ծնած էք իմաստուն և բերրի  
Բարիքներուն համար :

Խրախճանքի պողոտաներէն, Տառապանքին պէս արտում,  
անցէ՛ք,

Եւ խնայեցէք երջանիկներուն որ չի կրնան ձեր աչքե-  
րուն մէջը կարդալ

Այն զարհուրելի պատկերը, որ դիակի և մոխիրի ցոլա-  
ցումներն ունի . . .

Խնայեցէք անցորդին՝ արդար կամ ոճրապարտ, որ ձեր  
աչքերուն չի նայի . . .

Վասն զի հայ հոգիին տառապանքը, միշտ հայ նայուածք-  
ներուն մէջը գտած եմ ես :

Այսպէս խրախճանքի քառուղիներէն բոլորդ մէկ անցէք .  
Բայց զուարթութեան ո՛չ մէկ բիծ և ո՛չ մէկ շիթ ար-  
ցունքի,

Պէտք չէ՛ որ դան մեր արամութեան վեհութիւնը՝ պղղ-  
ծելու . . .

Որովհետեւ պարտուածին համար՝ արցունքը վատու-  
թիւն է,

Եւ յաղթողին համար, սնտոի ժպիտը՝ կնճիւ . . . :

Դուն՝ շղարշներովդ մահագուժօրէն գիշերուած հայ  
գեղուհի,

Եւ դուն՝ պարմանի որ դիմագծէդ ցեղիդ սուգը սրտիդ  
մէջը կը հոսի,

Առանց զպրոլթի և շտապով սա՛ ճամբաներէն անցէք,  
Պիտի բէք թէ որչա՛փ լոյս է այս և ի՛նչ հեգնական  
մեռելաթաղ . . .

Ի՛նչ խաժամուժ և ի՛նչ պարեր, ի՛նչ ցնծութիւն և ի՛նչ  
խնջոյք ամէն դի . . .

Մեր կարմիր պատանքները՝ յաղթանակներու դրօշներն  
են կարծես,

Եւ մեր վճիտ եղբայրներուն սակորները սրինգներու վե-  
րածուած . . .

Ահաւասի՛կ որ անոնց մէջէն ուրիշները, արտասովոր եր-  
գեր է որ կ'երգեն . . . :

Բայց մի սարսափիւր ինձ անձանօթ քոյր կամ ճակա-  
տագրի եղբայր,

Եւ ճշմարտութեան աստղերը զննելով՝ յուսադրուէ՛ և  
յառաջացի՛ր,

Կեանքին օրէնքը դեռ այսպէս է, մարդերը չի կրցան  
մարդերն ըմբռնել . . . :

Եւ այս իրիկուն ձեր տանը դուռներէն, թշուառօրէն  
աղքատ կամ մարմարակերտ,

Բոլորդ մէկ, արեգակին մահէն առաջ, ձեր սեմերէն  
ներս մտէ՛ք,

Եւ անդորրութեամբ փակեցէ՛ք դաւաճան փեղկերը ձեր  
պատուհաններուն,

Փակեցէ՛ք զանոնք անկարեկիր և մեղաւոր Ոստանին  
դիմաց,

Փակեցէ՛ք զանոնք և մարդկութեան և ձեր աստծուն  
երեսին . . .

Ես գիտեմ որ ձեր յստակ հոգիին մէկ անաւոր հե-  
ծեծանքէն ,

Ձեր սեղանին վրայ վառող ճրագն իսկ պիտի մարի . . . :

1909 Յուլիս 10

## Պ Ա Ր Ը

### Նամակ Առաջին

Եւ արցունքներն իրեն կապոյտ աչքերուն մէջը խեղդելով ,  
Մոխրադաշտի մը վրայ ուր հայ կեանքը դեռ կը մեռնէր ,  
Այսպէս պատմեց մեր սարսափին ակամատես Գերմանուհին .

—Այս անպատմելի պատմութիւնը որ ձեզ կ'ընեմ  
Ես իմ անդուծ աչքերովս այս մարդկային ,  
Իմ անվտանգ անակիս զեհնադիր լուսամուտէն ,  
Ակուններս կրճտելով ու զայրոյթէս զարհուրելի . . .  
Այս աչքերովս անգթօրէն մարդկային , ես տեսայ :  
Մոխրակոտի վերածուած Պարտէզ քաղաքին մէջն էր ,  
Դիակները դիզուած էին մինչեւ կատարը ծառերուն ,  
Եւ ջուրերէն , աղբիւրներէն , առուներէն և ճամբէն ,  
Ձեր արիւնին կարկաչիւնն բերոստաձայն . . .  
Դեռ ականջիս իր վրէժն անաւասիկ որ կը խօսի . . .

Օ՛հ , չի ստկաք երբ անպատմելի պատմութիւնս ձեզի  
պատմեմ . . .

Թո՛ղ մարդերը հասկնան , մարդուն ոճիրը մարդուն դէմ ,  
Երկու օրուան արեւին տակ , գերեզմանին ճամբուն վրայ  
Մարդուն չարիքը մարդուն դէմ ,  
Թո՛ղ աշխարհիս բոլոր սրտերն իմանան . . . :

Այդ մահաշուք առաւօտը կիրակի էր,  
Դիակներուն վրայ ծագող դեռ առաջին և անօգուտ  
կիրակին,

Երբ սենեակիս մէջը, իրիկունէն մինչ արշալոյս,  
Դաշունահար սողկան մը հոգևվարքին վրայ ծռած...

Արցունքներովս անոր մահը կը թրջէի...:  
Յանկարծ հեռուէն սեւ խուժան մը անսանձական,  
Քսան հարսներ իրենց հեա՝ մոլեգնօրէն մտրակելով,  
Շուայտութեան երգերով, այգիի մը մէջ կանգնեցան.

Ես կիսամնւ խեղճ աղջիկն իր խշտեակին վրայ լքած,  
Դժոխհայեաց պատուհանիս պատշգամբին մօտեցայ...:

Այգիին մէջ սեւ խուժանն անսառուեցաւ:  
Վայրենի մը՝ հարսներուն — Պէտք է պարէ՛ք որոտաց,  
Պէտք է պարէ՛ք — երբ մեր թմբուկը հնչէ:

Եւ մտրակներն սկսան մահակարօտ հայ կիներուն՝  
Մարմիններուն վրայ կատաղութեամբ մը շառաչել...:  
Քսան հարսներն ձեռք ձեռքի, իրենց շուքվարն սկսան...:  
Աչուրներնէն իրենց արցունքը վէրքերու պէս կը հոսէր,  
Ա՛հ, ես որչափ նախանձեցայ իմ դրացի վիրաւորիս,  
Որովհետեւ լսեցի որ հռնդիւնով մը հանդարտ,  
Տիեզերքն անիծելէն, խեղճ հայուհին գեղադէմ,  
Իր տատարակի շուշան հողուն դէպի աստղերը թեւ տուաւ...:

Ունայնօրէն կռուվիներս ամբոխին դէմ շարժեցի...  
«Պէ՛տք է պարէ՛ք կ'ոռնար խուժանը մոլեգին,  
Մինչեւ ձեր մահը պէտք է պարէ՛ք, դո՛ւք անհաւատ  
գեղեցիկներ,  
Կուրծքերնիդ բաց՝ պէտք է պարէ՛ք, մեզ ժպտելով և  
անտրտունջ

Յողնութիւնը ձեզ համար չէ, ո՛չ ալ ամօթը ձեզ համար,  
Ստրուկներ էք, պէտք է պարէ՛ք և մերկանդամ և  
հոլանի,

Մինչեւ ձեր մահը՝ պէտք է պարէ՛ք պաղշոտօրէն և ցո-  
փութեամբ,

Մեր աչքերը ծարուխ են ձեր ձեւերուն և ձեր մահ-  
ուան...:»

Քսան հարսներն գեղադէմ. գետին ինկան պարտասած...  
Ոտքի՛ ելէք, գոռացին մերկ սուրերնին օձերու պէս  
շարժելով,

Յետոյ մէկը սափորով մը քարիւղ բերաւ խուժանին...  
Ո՛վ մարդկային արդարութիւն, թո՛ղ ես թքնեմ քու  
ճակատիդ —

Քսան հարսներն շտապով այդ հեղուկօն օձեցին...  
Պէ՛տք է պարէ՛ք, որոտաց, աճաւասի՛կ ձեզի բուրմունք  
մը որ Արաբիան իսկ չունի...:

Յետոյ ջահով մը բռնկեցուցին մերկ մարմինները հարս-  
ներուն.  
Եւ ածխացած դիակները պարին մէջէն, դէպի մահը  
զլորեցան...:

Զարհուրանքէս՝ պատուհանիս փեղկերը՝ փոթորկի մը պէս  
փակելով՝  
Իմ մնաւոր մտեալիս մօտենալով հարցուցի.  
Ի՛նչպէս փորել այս աչքերս, ի՛նչպէս փորել, ըսէ՛ ինձ...:  
. . . . .

## ՔԱՒՈՒԹԻՒՆԸ

### Նամակ Երկրորդ

Արհաւիրքի առաւօտ մը, աստուածավախ այդ ձերունին,  
Գալարագեղ իր այգիին աւաղանին վրան հակած,  
Անոր բիւրեղ ջուրերուն մէջը վճիտ,  
Իր անցեալին դեռ չի քաւած մողքերէն մին հոն տեսաւ...  
Ու իր աչքերը փակելով՝ հեծեծանքով մը յիշեց,  
Այն անիծեալ օրն՝ երբ գարնան պէս երիտասարդ,  
Խելայեղիչ գեղեցկութեամբ հայ կիտջ մը սիրոյն համար,  
Այդ անիծեալ օրն՝ իր աղօթքն՝ իր աստծուն չէր նուիրած...:

Եւ դաւաճան աւագանը արիւններու այդ օրուան հետ,  
Ծերունիին աչքին տուջև պայծառութեամբ մը նկարեց,  
Անջնջելի ձևերն այն դեռատի և սպիտակ աղջկան,  
Որուն մարմար մերկութենէն չարախաբեալ,  
Իր աւօրեայ աղօթքն, իր աստծուն չէր բրած:  
Եւ պէտք էր քաւել վերջապէս՝ միակ մեղքը հին օրերու...  
Որովհետև հողին կեանքը սկսած էր իր ցնորքը գիշերել,  
Մահուան փոսը կը փորուէր յանցանքին պէս անդնդախոր...  
Արդար ժամը հնչած էր ալ, պէտք էր փրկել իր հոգին:  
Եւ ձերունին հաստատաքայլ՝ յիշատակին յողթանակող  
Չարհուրելի հրամանի մը համար, իր սպարանքը բարձրացաւ...:

Ժիր ծառաներ շտապով սրահի մը մէջը շքեղ,  
Մետաքսահիւս գորգի մը վրայ ուր նկարուած սոխակներն  
Ճնորաբոյր վարդին ի տես իրենց սէրը կուլային...  
Սեւ սատափէ թիկնաթոռ մը գետեղեցին:  
Եւ ձերունին շուշանաթոյր պատմութեամբ մը փաթթուած,  
Աղօթելով և ծանրօրէն բազկաթոռին մօտեցաւ:  
Իր բազմանդամ ընտանիքէն մինչև թոռներն իր նորածին,  
Գարուններուն պէս ծաղկապատ գորգին վրայ ծնրաղիբ,  
Այս ծիսական տօնին համար անոր շուրջը շարուեցան...:

Պահ մը յետոյ երկու խափշիկ՝ խարտեաչ տղեկ մը Տարսոն քաղքէն,  
Ապարանքին մառանին մէջ ուր նոր ոճիբը պիտի ծնէր,  
Ոսկեպատեան սուրբի մը հետ հայ պարմանին մերկացուցին:  
Եւ անմիջակամ ու անաւոր գալարումներ հոգեվարքի,  
Ապարանքն իր հիմերէն մինչև տանիքը սարսեցուց:

Վերը՝ կին մը գեղամարմին, չղարչի մը մէջ անդրիացած,  
Սրահէն ներս՝ ակնածութեամբ ձերունիին գնաց ըսաւ...  
— Հրամանիդ կատարուած է և ձեր ոտքին փոշին իսկ չեմ...:

Ո՞ր ձևերն կրնան ձեզի քաւիչ բաժակը մատուակել... —

— Անտարակոյս վերջին պտուղն այն յանցապարտ հայ աղջրկան,  
Որուն համար ես երկնքիս յաւերժութիւնը կորսնցուցի:

Անեղ մարդուն թոռներէն մին, արծաթ ափսէ մը ի ձեռին,  
Որուն մէջի ոսկի բաժակն, ո՞վ դժբախտներ, ձեր բոլորին պարտութիւնն էր...:

Երջանկազէմ իր մեծ հօրը չըթուենքներուն մօտեցուց զայն ,  
 Եւ անդողզոջ ձերունին բազկաթռոին վրայ անշարժ ,  
 Այդ մետաղն ակուսներովն մոլեղնութեամբ մը սեղմելով ,  
 Իր երազած արքայութեան սեմին առջևը՝ ժպտուն ,  
 Հանդարտօրէն , սրահին մէջ , իր սև հողին աւանդեց . . . :

Բայց ո՛չ մէկ կաթիլ , այդ արիւնէն , Արդարութեան սպա-  
 սարկու եղբայրնե՛ր ,  
 Ո՛չ մէկ կաթիլ չի թափեցաւ պատմութեանին վրայ շուշան ,  
 Յանկարծամահ ձերունիին այդ անյագուրդ բերանէն ,  
 Ո՛չ մէկ կաթիլ , ո՛չ մէկ կաթիլ , կ'աղաղակե՛մ ես ձեզի . . . :

## Զ Ա Ի Ա Կ Ը

### Նամակ Երրորդ

Դիւցազնութիւն մը պատմեմ՝ քեզի և բոպէ մը սրտա-  
 զինուէ՛ . . . :

Հայ հողագործ մը կուխներու և արիւնի կոչին ի լուր ,  
 Արծուի մը պէս՝ ձիուն վրայ , դէպի իր գիւղն արշաւեց :  
 Զգեց՝ եղներն յաղթամարմին որ բարկութեամբ բառաչէն .  
 Իրենց հերկած հողերուն հրկիզուիլը դիտելով . . .

Ու ձգեց իր նորաբոյս սրբութիւնները ցորեաններուն ,  
 Զգեց խոփը , ձգե՛ց բահը , ձգեց արօրն իր մեծապարզ և ,  
 Զգեց յոյսն հին օրերու , ձգեց հողն իր հայրենի .

Եւ աշխատանքի երգերուն տեղ անդորրաշունչ  
 Սկսաւ ան , գէնուզէնքի կարմիր երգ մը որոտալով ,  
 Զիուն վրայ սպառազէն , երթալ իր գիւղը փրկելու . . .

### Իրիկուն էր :

Արեգակն իր մահովը հորիզոններն եղեանօրէն կը ներկէր . . .  
 Երբ հողագործն հերոսական դաշտէ ի դաշտ արշաւելով ,  
 Անպատմելի սարսափով մը իր սեմին առջևը կանգ առաւ . . .  
 Բայց մոխրակոյտներ միայն տեսաւ և դիակներ ամէն դի . . .  
 Տեսա՛ւ իր կինը սիրակարօտ դռանը ետին դաշունահար ,  
 Թշնամիէն քակուած ծոմերն և մերկ ուսերն սպիտակ ,  
 Ծոցէն հոտոլ իր նուիրական արեանը մէջը թաթաւուն . . .

Տեսա՛ւ զաւակն որ իր մօրկանը նայուածքներուն վրայ  
ծուած՝

Անոր մահուան արցունքներուն վերջին շիթերը կը համ-  
բուրէր . . .

Գիւղին ծայրէն բարբարոսներն այս ժամանու՛մէն ընդվզած՝  
Ու իր անկզ ձիուն վրնջիւնէն և դռոյթէն ամենի՛ .

Բոլորը մէկ սկսան, ոտքի ելած աղաղակել . . .

—Անգամընալ պէ՛տք է քաղել, դեռ շունչեր կան որ կը  
չնչեն :

Ո՛վ էր այն մարդն սպառազէն որ մեր վրան գրոհել ուզեց .

Մոխիրները պէտք է դեռ անգամընալ մոխրացնել :

Դեռ ձայներ կան, դեռ շշուկ կայ, մահամերձներ դեռ  
կան որ

կը յամառին այս նորեկէն իրենց վրէժը պաղատիլ . . .

Մենք գերեզմաննո՛ց ուղեցնիք և դեռ կեսնքեր կան  
այն տեղ ,

Մենք ամենքս մոխի՛ր կուղենք և մա՛հ կուղենք, անհա-  
ւատներ . . . —

Այս ձայներն եկան հասան հայ կտրիճին՝ որ մինակ ,  
Իր դեռատի զաւակին հետ , ցատուժով լի , սև խուժանը  
կը դիտէր ,

Յանկարծ ինքը կայծակնացայտ պայթիւնով մը հրաղէնի .  
Հազարաւոր խաժամուժն այս՝ մրրկի մը պէս յետ մղեց . . .  
Բայց մինակ էր . . . հեճեժողներ միայն կային և դիակներ  
ամէն դի .

Եւ խուժանը ամայութեանց աւտղին պէս վերսկսաւ՝  
Դէպ ի այս գիւղն աւերակեալ անգամ մը ևս արշաւել . . . :  
Բայց պէտք էր փրկել իր զաւակը , ո՞ր գիպուածէն սղատած ,

Ո՞ր գաղանիքէն , ո՞ր բախտէն , ո՞ր օրէնքէն , ո՞ր չարիքէն . . .

Եւ խելակորոյս՝ դիրկն առաւ տաք դիակն իր կնոջ ,

Եւ իր զաւակին մէջքէն բռնած դէպ ի գետափին իջաւ . . . :

• Պէտք էր փրկել իր որդին , յետին Յոյան Նոր Օրերու . . .

Եւ դիտէր որ մարդուն անեղ կռիւին հետ դեռ բնու-

թեան կռիւը կար . . .

Պէ՛տք էր յաղթել զոնէ անոր և իր որդին ազատել ,

Պէտք էր յաղթել բնութեան , ուրիշ ոչ մէկ յոյս չի կար . . .

Մարդէն նուազ չարակամ այդ մութ ուժը արտանսան ,

Պիտի գլխար . . . բնութիւնը մարդուս մայրն է վերջապէս ,

Եւ արմատախիլ կաղնիի մը պէս որ մրրկէն կը տարուի ,

Այսպէս որդին ձեռքն առած և մտեալ կիներ քարչելով ,

Ահեղավազ Սիհունին ջուրերուն մէջը խոցացաւ . . . :

Զգեց դիակն իր կնոջ որ ալիքներն անեղ՝

Իրենց կուրծքին վրայ առած անոր թաղուժը կատարեն .

Եւ ջուրերն , իր կինը , փրփուրներովն իրենց ,

Վերջին լողանքի մը համար , անոր արիւնը լուալով՝

Քարէ ի քար բաղխելէն , դազալի մը պէս ցնորական ,

Իր սիրակէզ աչքերուն առջեւէն զայն սահեցուցին . . . :

Մինչ հողագործն առիւծի մը պէս փոթորկաբաշ՝

Որ իր կեանքին կորիւնը բերանն առած կը սուբայ ,

Այսպէս գօտիին իր որդուն՝ ակունքերովը փարած ,

Չուքերովը ջուրերուն երկաթ ուժին յաղթելէն ,

Մանչելով և լողալէն իր զաւակը փրկել կ'ուզէր . . . :

Երբեմն ձեռքովն իր հուժկու ջուրերէն վեր բռնած զայն՝

Իր իրանովն ալիքները փշրակէն դէպ ի ծովափը կը  
հոտուէր . . . :

Գիչերն ի բուն բնութեան հետ կատաղութեամբ մաքա-

ւեցաւ ,

Եւ ուղեկից դիակներ յաճախ կեան իր վրայն սահեցուց . . .

1001  
ԳԼԵ



Բայց ինք հզոր՝ իր զաւակը, եղէղի մը ձիւղին նման,  
Ակրաներովը կամ մէկ ձեռքովը զօրութեամբ մը գիր-  
մարդկային,  
Ջուրերէն վեր, դէպ ի ասողերը կարկառելէն...  
Փրկել ուխտեց միակ Յոյն սուրակեալ իր Գիւղին...:

Միջերկրականն անծայրածիր արեւին հետ, աչքին առջև  
ծագեցաւ...:

Հանգրուանին հասած էր: Երբ զաւակն խենթի մը պէս  
հողին վրայ համբուրեց...:

Յանկարծ ճանչցաւ, իր մտեալ կիներն որ ապառաժի մը  
կառչած,

Հասած էր հոն կարծես՝ արշալոյսին շողերուն հետ շա-  
ռապոյն՝

Ինքն եւ իր փրկուած զաւակին ժամանումը ողջունելու...:

## ԼՈԳԱՆՔԸ

### Նամակ Չորրորդ

Իր մարմինը սպիտակ էր...:

Ինչպէս է ձիւնն աստուածընծայ Տաւրոսներուն,

Եւ իր երկու աչքերուն մէջն անաւոր

Բարբարոս սէր մը անյաղութող կը վառէր:

Բայց սեւաներ այս գեղուհին ամուլ էր,

Ստինքները դեռ չէր էին մաքուր կաթէն

Եւ իր կողերէն չէր ծընած այն պտուղը, աղնուական  
կամ ոճրագործ՝

Որուն համար բոլոր մայրերը կ'սպասեն...:

Ու գինովութեամբ բայց վայրսպար կը ցանկանար,

Այրութիւններ խոժուաղէմ և արգաւանդ,

Բնութեան դէմ յաղթանակող:

Դաժանագեղ կնութիւնն այս կ'անդիտանար՝

Թէ մեծ Օրէնքը իր երկաթէ գաղանխքն ունի...:

Բայց կախարդուհի մը չարաշուք,

Աւերումը այս օրերս, իրեն բառ...:

—Որպէսզի քու անլութիւնդ աղամանդեաց

Պայծառօրէն և ասյաւէա պողաւորուի...:

Եկո՛ւրքեղի հին իմաստուն Դարերուն,

Միակ դարմանը ևս իմ ձեռքովս մատուցանեմ...—:

Եւ անգթութեան աւանդովէսը պատմեց . . .  
 Մինչ վ՛նուկը՝ գեղեցկուհուն աչքերուն մէջ՝  
 Իր աչքերը շանթերու պէս, մոգութեամբ մը կը մարձէր:

Յետոյ բերին մեր հանդարտ գիւղէն հեռուոր .  
 Եօթը կոյսեր վեշտամնամեայ,  
 (Ա՛հ, ճակատագիրնիդ կը տեսնեմ, որ եղերականօրէն  
 նման է,

Ռ՛վ, խեղճ քոյրերս, այսչափ ատեն, իմ մահերդած ճա-  
 կատագրիս:)

Այսպէս բերին մեր հանդարտ գիւղէն առաքինի և հե-  
 ուաւոր՝

Եօթը կոյսեր վեշտամնամեայ՝ մահուան դողէն դողդո-  
 ջուն,

Ներս մոցուցին զանոնք լողարանի մը մարմարակերտ  
 դռներէն,

Ուր արդարութեան արեգակին ճաճանչները վերէն,

Արցունքի պէս անոնց վրայ կ'անձրեւէին . . .:

Եւ շտապով տախտակէ տաշտ մը հոն դրին,

Ու անոր շուրջը դարդարեցին շուշաններով սպիտակ,

Մինչդեռ հեռուն, վարադոյրի մը ետեւէն,

Կրօնաւոր մը մութ աղօթք մը կը կարդար . . .:

Յանկարծ այսպէս՝ գեղեցկուհին գուարթութեամբ մը  
 զարնուրելի

Իր ոսկեհիւս շղարչները լայնածաւալ,

Իր ուսերէն իր նաժիշտին ուսերուն վրայ նետելով,

Խաղաղութեամբ մը մերկացաւ . . .:

Սեւ դահիճները դաշոյններով շողարձակ,

Անխղճօրէն խողխողեցին եօթը կոյսերը մեր գիւղին . . .

Եւ երբ ամուլ գեղեցկուհին, աչուրները դէպի երկինք,  
 Տաշտին մէջը արձանացած՝ ոտքի վրայ կանգնեցաւ,  
 Հայ կոյսերուն տաք արիւնը վարդակարմիր . . .  
 Սկսաւ իր մերկ և անխուով ոտքերէն . . .  
 Մինչեւ իրեն ամուլ արգանդը բարձրանալ . . .:

# ԴԱՅՈՅՆԸ

## Նամակ Հինգերորդ

Մի սարսափիր սիրելիս, և ոչ ալ իսկ այս նամակէս  
 Եւ քնարիդ լարերուն հետ՝ հայ հողին պէս արիւնտա,  
 Եղբայրութեան մեր Իսէային ձիթենուց ստերն ալ վճիտ,  
 Այս բոլորին բոցերէն անգամ մը ևս թո՛ղ այրին...:  
 Մի՛ սարսափիր, սիրելի՛ս, և ոչ ալ իսկ այս նամակէս:

— Հրամանիս պէտք է անսա՛ս՝ դուն մեծահարուստ հայունի,  
 Ահաւասի՛կ որ մարմինդ աչքիս առջեւը մերկ է,  
 Ինչպէս վարդի թուփերը դրախտային պարտէզներու...  
 Կամ ձիւնաթոյր շատրուանս որ առաւօտէն իրիկուն,  
 Աւաղանիս մակերեսէն, հասակիդ պէս վեր կը ցայտի...  
 Դուն գիտես որ ևս քու տէ՛րդ ևս և աստուածդ և արքադ,  
 Ունայնորէն մի՛ պաղատիր, չիմաց որդիդ պիտի դայ,  
 Պէտք է անսա՛ս հրամանիս, եթէ դժոխք ալ զրկեմ քեզ:  
 Ահաւասիկ Նլբերս որ կը հասնին մեր մօտակայ քաղաքէն,  
 Ահաւասիկ զբայններ, կռնականներ, բարեկամներ որ  
 այսօր,

Հրաւերս յարգելով հաճած են հոս բաղմելու...:  
 Այս մեծահարուստ կնոջը դո՛հարատւին ինձ բերէք...  
 Որպէս զի ևս իմ ձեռքովս, չքեղօրէն գայն գարդարեմ...  
 Փղտկրէ սեղանը ատոր համար է պատրաստ,

Այստեղ բերէք դո՛հարատւիդ, ա՛ն որչափ ծանր է, որ-  
 չափ ծանր,  
 Բարեկամներ հոս նայեցէք, ինչ հեղեղ է այս դո՛հարներու.  
 Բիչ կնաց որ ճաճանհերէն, արեն իսկ ամհնալով խա-  
 ւարէր:

Մօտեցիր որ նախ քու դաստակներդ յանցապարտի,  
 Ապարանջաններովդ այս մեծարժէք լուսապարդեմ...:  
 Տե՛ս թէ ինչպէս գեղեցկացար, տե՛ս սա օղերդ սուտակէ,  
 Տես թէ ինչպէս ականջիդ վար իբր աստղեր վար կը  
 հոսին...:

Ձեռքերդ ինձ երկարէ՛ որ մատուչներդ մէկ սու մէկ,  
 Մա զմրուխտէ, յակինթէ մասնիներովդ օղակեմ,  
 Ա՛խ կարծես թէ արդէն քու գաւակիդ արիւնն է որ յա-  
 կինթներէդ,

Բու մայրական ձեռքէդ ի վար ծունկիդ վրայ կը հոսի...:  
 Չէ՛, աղաչանքը ևս չեմ սիրեր, պէտք է անսա՛ս հրամանիս  
 Արցունքներդ քեզի պահէ, հեծեմանքիդ պէտք չունիմ:  
 Ահաւասիկ քստամանեակդ որ կուրծքիդ վրան կը շողայ,  
 Մահի՛կն ի՛նչ է, ի՛նչ է մահի՛կն ատոր քով...  
 Մոծբակիդ վար մինչև կուրծքդ մարմարեաց,  
 Առուակի մը պէս անոր հուրը տե՛ս թէ ինչպէս կը սահի:  
 Մաղերուդ մէջ պէտք է ցանեմ որչափ որ կայ սա՛ տու-  
 վիդ մէջ՝

Եւ մարդարիտ և ակնուղէն և մեղեսիկ և շախիւղայ...  
 Պէտք է ըլլաս դուն այսօր հազար անգամ աւելի պերճ՝  
 Ինչպէս որ չէ՛ սա երկինքն ատտեղաղարդ զիչերներուն:  
 Զարդանդներդ ձեռքդ ա՛ն և վարսակալներդ ականա-  
 կուս,

Ու մաղերուդ զայրոյթը, իմ աչքերէս, անմիջապէս ամ-  
 փօրիէ...:

Մարգարտանիւս հողաթափներ կամ ոսկիէ մուճակներ,  
Ո՞րը կ'ընտրես, վերջին ժամն է, քեզ սնարժան այս ճո-  
խութեան,

Զաւկիր ճի՛շը քեզ յուզեց, չէ՛, արտասուքը քեզ կ'ար-  
գիլեմ՝...

Ահաւասի՛կ որ բերին զայն, եթէ կ'ուզես վերջին անգամ  
մը ևս,

Որպէս զի իր լայնուկոծը մահէն ստաջ դադարի,

Եթէ կ'ուզես վերջին անգամ, քու կոթովդ քու զաւակդ  
գիւցուր...:

Զէ՛, մի համբուրեր, երբե՛ք համբոյր, մահէն ստաջ համ-  
բոյր չի՛ կայ,

Արժանի չէ՛ք ո՛չ համբոյրի, ո՛չ գիտութեան, ո՛չ գորովի,  
Ինչպէս որ դուն զայն ծնար, պէ՛տք է այնպէս մահա-  
ցընես...:

Ա՛հ, կը պաղատի՛մ բարեկամներ, սրտակիցներ, դրացիներ,  
Տեսէ՛ք ինչպէս իր աչքերը հօրն աչքերուն պէս կը վառին.

Այս ի՛նչ բմբոստ նայուածք է, հոս նայեցէք, կոշնակամներ,

Սա աչքերո՞ւն նայեցէք, սա բերնրուն, շանթերու պէս  
կը շողշողան...:

Հօրը աչքերն են կարծես գերեզմանէն փայլատակող...:

Ես քու հայրդ այս առաւօտ իր Դաշոյնովն սարմնեցի...:

Հազիւ թէ դուն ծնած օրէդ երկու գարուն ևս բալորած...:

Քե՛զ կտակեց իր վրէժը, քե՛զ կրտակեց, սե՛ պատու...:

Կրօնակից բարեկամներ, Մարգարէին սիրոյն համար  
դուք վճակեցէ՛ք,

Այս Դաշոյնը որ ձեռքիս մէջ կը տեսնէք, ո՞ր կայծակէն  
դարբնուած,

Այս Դաշոյնը սա՛ հայ կոռձ ննջարանին մէկ անկիւնէն  
ևս գտայ...:

Որո՞ւ համար պահած էին այր ու կին այս մետաղն սոս-  
կատեալ...:

Որո՞ւ համար, դուք ըսէ՛ք, անտարակոյս մեզի համար,  
կասկած չիկայ...:

—Անտարակոյս մեզի համար, Աստուա՛ճ փրկած է զմեզ—  
գոռաց սրահը մոլեգին...:

—Սա սեղանը որուն վրայ դժարատուփդ բացի,  
Հայ ոճիրին քաւութեանը իր խորան թող ծառայէ՛,  
Եւ թագուհւոյ ճոխութենէդ կարօտդ առ, անհաւատ,  
Ես իմ արդար ձեռքերովս այդ բոլորը հիւրերուս մէջ  
պիտի բաժնեմ...:

—Հազար ապրի՛ մեր պետը, հազար ապրի — բոլորը մէկ  
գոռացին:

—Ակնթարթ մը ևս պէտք է որ ամենայն ինչ աւարտի...:

Ա՛ռ զաշոյնդ և խրէ՛ դաւկիդ կուրծքին և կայծակի մը  
պէս արագ,

Կուրծքին ուղղէ՛, իր սրտին որ քու սիրտդ է նոյն  
ստեղծ...:

Դեռ ո՞ր յայտին կը սպասես, ո՞ր հաւատքին, ո՞ր յա-  
րութեան,

Կուրծքին խրէ՛ քեզ կ'ըսեմ. բոլորս մէկ անհամբեր,  
Մեր իրիկուան սուրբ աղօթքին կը սպասենք...:

Ի՛նչ կը գողաս, անօգուտ է. խրէ՛ կուրծքին քեզ  
կ'ըսեմ...:

Եւ Հայունին իր Գաղտնիքը դէպի ԵՐԿԻՆՔ երկու անգամ  
ճօճելէ վերջ՝

Զարնուրելի մանչիւն մը արձակելով՝ աչքերը բայ՝ մա-  
հացաւ . . .

Բայց արխնկզակ երխասարդ մը մտեալ կնոջ աջ բա-  
զուկէն անմիջապէս բռնելով՝

Անշնչացած մօրը ձեռքովն այդ՝ եօթը անգամ, գաւկին  
սիրար հարուածեց . . . :

## Խ Ա Չ Ը

### Նամակ Վեցերորդ

Քասմնելի դրուագ մը ևս . . . բայց ձեռքերս կը դող-  
դողեն . . .

Աչքերուս չափ սարսափ տեսած այս խեղճ ձեռքերս կը  
դողդողեն . . .

Բայց ներէ ինձ այսօր ալ, հին յոյսերու բարեկամս մը-  
տերիմ,

Ներէ՛ ինձի որ նորէն դամ ձեր թախիծը խռովել,

Անգամ մը ևս ես կ'ուզեմ հայելին ըլլալ հայ արիւնին .

Քու առջեւդ զետեղուած՝ և որը ցեղիս՝ և դաւածան  
մարդկութեան,

Զարնուրանքներ արտացոլող հայելին բանալ ձեր առջեւ,  
Թէև ձեռքերս սարսուան, չորցած ճիւղի մը նման . . . :

Եկեղեցւոյ բակին մէջն էր :

Մայր մը իրեն միակ գաւկին ի խնդիր, կոտորածի և  
կատաղութեան այս օրերուն,

Հեծեծելով՝ ինքն իր ձեռքով իր ծամնրը կը վետտէր . . . :

Բայց ո՞վ էր որ պիտի լսէր այս հէզ կնոջ աղերսանքին,

Ամէն հողի իր վէրքն ունէր . . . : Ամէն մայր իր մտե-  
լին քով՝

Կտաւի մը կտորէն, ասեղն անգամ մը իր արցունքը սրբելով՝

Կտաւի մը կտորէն, իրեններէն մէկուն համար, սև քարտանք մը կը կարէր:

Ու խելացնոր այս խեղճ կինը բոլոր սրտերը գոց գտաւ, ժամուն մէջը, դետին ինկած, եղունգներովը շոր քարերը ճանկուտելէն

Իր Աստուծոն կ'աղաղակէր. «Որդիս կ'ուզեմ կամ մահս, որդիս կ'ուզեմ կամ մահս»:

Մտներ վառեց, խունկեր ծխեց և ակոսները կրճատելով, Իր դաւակը պահանջեց աղօթատան խուլ գմբէթէն...

Իր Աստուծամէն յոյսը կտրեց և մտածեց թշնամիէն պաղափուր զայն...

Գնաց անոնց ոտքերն ինկաւ և սուրբերնին համբուրեց...

Իր զաւակը կը պաղատէր, իր աչքերուն, իր հողիին փոխարէն...

Եկեղեցւոյ բակին մէջը՝ արիւնկղակ խաժամուժ մը խրոնուած էր.

Կողոպուտէ, կոտորածէ, աւերներէ ետ դարձող, Եւ այրէներու, մուսկներու և որբերու վրանին տակ, բորենիի պէս շրջելով,

Եկած էին գոհերուն քով, իրենց սուրբը սրբելու...

—Քո՞ւ զտակդ — ըսին մօրը — տակէց դիւրին ի՞նչ բան կայ...

Այն չէ՞ միթէ քու որդիդ բարձրահասակ և հրաշուի...

Որ երէկուան կուրին մէջ ձեզ պաշտպանել փորձելէ ետք,

Ուզեց անցնիլ ուրիշ գիւղեր, ուրիշ վայրեր փրկելու...

Քու զաւակդ եկեղեցւոյ գաւթիթին մէջ, առաւօտէն մինչեւ հիմայ,

Իր զէնքերուն զօրութեանը և քեզ համար դեռ կ'աղօթէ, Անհող եղիր... հիմայ կարգը իրեն եկաւ, ինքն ալ այսօր կ'աղատի:

Բոլորը մէկ շուրջանակի հաւաքուեցան իրենց վճիռը տալու...

Խուլ միմունջներ, ձեռքի շարժում, սպառնալիք, զէնքերու ձայն,

Յետոյ քրքիջ մը այս բոլորէն, ագռաւներու մահազուշակ կոխչին պէս.

Ծափերու հետ նոր որոշումը կատարութեամբ ողջունեցին...

Եւ խեղճ մօրն եկան ըսին. գեանէն բարեւ մը տալով անոր...

—Շապիկդ հանէ՛ և մեզ տուր ու դուն այստեղ սպասէ՛, Բաճկոնակդ կամ շապիկդ շուտ մը հանէ և մեզ տուր... Եկեղեցւոյ բակին մէջն ուրիշ պատիժ քեզ չի վայելեր. Ի՞նչ նրբահիւս մետաքս է այս, ծաղիկներ կան վրան բանուած...

. . . . .

Պահ մը յետոյ, բարբարոսները, գաւթիթէն դուրս խուժելով՝ Արիւնթաթաւ շապիկն եկան մօրը ցոյց տալու...:

—Ըսէ՛ այս չէ՞ քու շապիկդ. միայն իր գոյնն է փոխած... Ճանչցա՞ր հոտէն, ի՞նչ մայր ես դո՛ւն, գոնէ անգամ մը հոտոտէ զայն.

Մի՛ բարկանար, սուրբ խորանին վրան էր որ քու զաւակդ զոհեցինք...

Ճրագներ կային հոն վառուած և տիւրոցներ սպիտակ,  
Հիմայ խաչդ պիտի դժնը... բեւեռները հոս բերէք,  
Ո՞ւր են մութները, շտապեցէ՛ք, որ շապիկը չի չորնայ...

Ամբոխէն մին երգ մ'երգելով, ախոռի մը վրայ ոտքի,  
Աղօթատան պատին վրայ, ցնորակոծ մօրը առջև,  
Զաւկին արևամբը թաթառուն այդ շապիկովն քստմնելի,  
Ծափերու մէջ բարձրացաւ, Մեղաւոր Խաչը նկարելու...

Վրաններուն տակ դողահար, թշուառները բոլորը մէկ,  
Սկասն իրենց ձեռքերովն, առանց ձայնի, իրենց աչ-  
քերը փակել...

Երբ անդին մէկը, ցուցամատը դժուած խաչին ուղղելով՝  
մօրը կ'ըսէր...:

— Ծունկի՛ եկո՛ւ և աղօթէ, ծունկի եկո՛ւ անմիջապէս,  
Քրիստոսին ինչպէս ըրիք, ասկէց աւելի մեծ սրբութի՛ւն,  
Ծունկի՛ եկու յիմար կին, ծունկի՛ եկու դաւկիդ առջև  
և աղօթէ.

Այս բեւեռներն ու մութները քեզ համար են.

Մենք պատրաստ ենք քեզ խաչելու... հաւատք ունի՞ս  
դուն յարութեան...

Իսկ եթէ ո՛չ, ծունկի ինկիր դաւկիդ առջև, և աղօթէ,  
յիմար կին...

.....

## ԻՐԵՆՑ ԵՐԳԸ

### Նամակ Եօթերորդ

Եւ իրենցմէ մին դոչեց՝ արիւնախում խուժանն այսպէս  
իր շուրջն հաւաքելով.

— Տեսէ՛ք, արդարներու կարաւանին սարսափն է այս ա-  
հաւասի՛կ,

Որ ճոխակեաց և թշնամի քաղաքներուն կատարներէն  
է որ կ'անցնի,

Զօրքերուս զէնքերը կը վառին և տօնի ակօսներնին կը  
կրճտեն.

Ես դիակներ կը ցանեմ ստրկութեան երգիքն՝ բուն վրայ,  
Իրենց անհաւատի վատութենէն յսփշտակած մարմին-  
ներս են ասոնք:

Աստուածս ըսա՛ւ որպէս զի անհաւատին հովիտները գե-  
րեղմաններու վերածեմ,

Ըսա՛ւ որպէս զի մանուկները սրածեմ և սպիտակ կոյսերը  
կատաղութեամբս թարչամեմ.

Եւ ես այս օգերուն մէջ կմայքի և կեանքի բողբոսմ-  
ներ յօրինեցի,

Օգերո՛ւն մէջ՝ մփսրի և թռչող հողիներու մանապար:

Օգերո՛ւն մէջ արիւնի կայակ և կուսիներու հարուած,  
Ու ճիչեր բղքուած իրաններու սրտերէն...

Եւ ճարճատիւն հուրերէս փշուռող սակորներու .  
 Եւ անօգուտ օգնութեան աղաղակ , և արցունքի աղ-  
 բիւրներ . . .  
 Եւ օղերուն մէջ , աստղերու պէս , կտրուած գլուխներ  
 և սրակեցի . . .  
 Եւ մա՛հ տարածեցի , անծայրածիր մա՛հ , ինչպէս են կա-  
 բուածներն սա՛ ամպերուն . . .

Ի՞նչ հրամանի է որ կը սպասես , հրամանը քուկդ է ,  
 Չա՛րկ , փշրէ՛ և կե՛ր և խմէ՛ և պարէ՛ և արբեցի՛ր . . .  
 Եւ հազար անգամ դարկ և փշրէ կթէ բաղուկդ խոն-  
 ջէնք շունի ,  
 Անհաւատին և օրերը և ոսկիները և կինները և արևը  
 մերն է միայն .  
 Կեանքին գինին և երազը և անարդար արիւնը մեր սե-  
 մերուն առջեւ թո՛ղ թափին :

Ուրիշ մը կ'ըսէ իր մօլեգին և սպառազէն ձիուն .

—Արշաւէ՛ կրակէ ձիա , արշաւէ անդաւարով .  
 Մի՛ խնայեր ո՛չ կուրծքերուն և ո՛չ կեանքին ,  
 Պայտերդ շանթերէն են դարբնուեր , երկնքի շանթերէն ,  
 Ուրեմն մխրճէ՛ սմբակներդ ստրուկներու սրտերուն մէջ ,  
 Անոնց աղատութեան պատրանքները ցրուէ՛ , քու բոլոր  
 թափովդ ,  
 Եւ թող որ փրփուրները արփիափայլ ագիիդ ,  
 Մեր գործած աւերը և մոխիրները մեր ետեւէն լու-  
 սաւորեն :  
 Արշաւէ՛ , ով ձիա . արշաւէ՛ անխոնջօրէն և սրարշաւ . . .  
 Տե՛ս իմ սուրս , տե՛ս սուրս որ բաշխդ վրան կը շողայ . . .

Օրհնութեան ապարօշա ես իմ գլխիս փաթթեցի . . .  
 Իմ սուրս էր որ սև հողինները հնձելէն . . .  
 Ծշմարխոններուն համար երկինքներուն ճամբան բացաւ . . . :  
 Հրճուէ՛ նոյնպէս , հրճուէ՛ , ահաւասիկ մարմարաթոյր լանջ-  
 քըդ առատ . . .  
 Արդարութեամբ թափել սուած արիւնէս իսկ կարմրե-  
 ցաւ . . . :

Ուրիշ մը իր շեփօրէն իրեններուն կը գոռայ . . .

Մեղի համար կեանքը՝ անոնց մահը թո՛ղ լլկայ և կեանքն  
 անոնց՝ մեր մահը . . .  
 Միակ օրերն են , օրհնեալ օրերն այս՝ միակ օրերը մեզ  
 համար ,  
 Հնչեցուցէ՛ք ձեր փողերուն հրամանն արդար ,  
 Կը տեսնեմ որ ձեր ճակատները կը վառին ,  
 Եւ Տաւրոսին հովիտներն անհաւատին դիակներովը լեցուն ,  
 Ոռողուելու համար դեռ , արիւնի՛ , արիւնի՛ , արիւննե-  
 րու պէտք ունին . . . :  
 Ի՞նչ հող իշխան , ինչ հող մեզի իշխանութիւն ,  
 Օրէնք չի կայ : Ումն է միայն ստրուկներուն արքան . . .  
 Խմեցէ՛ք սա բաժակէս , թարմաղեղ կոյսերուն արիւնն է  
 այս . . .  
 \* Ես ծնեցայ եւ մեր գիւղին առուակներէն լամեցի զայն . . .  
 Լուսնկայի պայծառութեամբ հայ կոյսերուն արիւնն է  
 այս . . .  
 Վայրկեանը կը փախչի , արդարութիւնն իր ճանապարհը  
 կը փոխէ . . .  
 Խմեցէ՛ք , այս բաժակս , կոյսի մը գանկէն այս առաւօտ  
 եմ պատրաստած . . .

Ի՞նչ է ոսկին, ի՞նչ է արծաթն, ի՞նչ է աղամանդն ասոր  
քով . . .

Գինիներուն սրբազանը լեցուցած եմ այս գանկին մէջ .  
խմեցէ՛ք այս բաժակէս ,

Ես ծուկացայ և մեր գիւղին առուակներէն՝ խմեցի վայն  
անյագուրդ . . .

Եւ բարբարոսները՝ սև մտքերէն դարերուն ամենազօր և  
չարիքէն կրօնքներու ,

Օրերով և կատաղութեամբ կոտորեցին՝ անասնօրէն աւերե-  
ցին , արմատներէն հնձեցին . . .

Մարդերուն կեանքը և դաշտերուն բարիքը եւ անմեղու-  
թիւնն աշխատանքին . . .

Ու դեռ իրենց երգը դիակներն իսկ թո՛ղ հողին մէջը  
սարսեցնէ՛ . . .

Բայց միայն ողջերն են անշարժ , սա քարերուն հետ միայն  
մարդերը չեն լար , միայն մարդերն անշարժ են . . .

Միայն գութը անգութ է , միայն գաղափարը տարա-  
կուսանք , միայն հաւատքն է յիմարութիւնն . . . :

## ԿՈՅՐԸ

### Նամակ Ութերորդ

Յուզին ծայրոջն արեան ծայրու ամբոխին մէջ իրեն ճամ-  
բան ձեղքելով՝

Սպիտակով պատմութեանուած , մեռելաքայլ՝ անոնց առջեւը  
կանգնեցաւ . . .

— Ինձ նայեցէ՛ք , ես օտար չեմ , ես ալ ձեզ պէս հաւա-  
տացեալ ,

Ութսունամեայ ծերունի՝ խաւարէն դուրս՝ ես հորիզոն  
չունեցայ . . .

Փայտիս վրայ խարխափելով , աշխարհներ ալ եթէ քայլեմ ,  
Ինձի համար կեցած տեղէս տարբերութիւն բնաւ չունի :  
Ամէն վայելք ձեզ համար է , կրնաք վճռել եւ պատժել ,  
Եւ ձեր գո՛ր ձեր ձեռքովն իսկ դուք կարող էք մոր-  
թագերծել . . .

Ինչ որ օրէնքը կը հրամայէ արդարութեան այս օրերուն :  
Չեմ գիտեր թէ ի՞նչպէս է կերպարանքն իսկ անհաւատին ,  
Ո՞ր հրէշին , ո՞ր զեռունին , ո՞ր սեւ օձին կը նմանի ,  
Ո՞րչափ կ'ուզեմ ձեռքերովս , դոնէ մեռել մը շօշափել . . .  
Մոխիրներուն հօտը առի , հազար ապրի՛ք օրհնեալներ ,

Քաղաք առհուս, մուճակներս, յանկա՛րձ հողին կը կայնն...  
 Ես գիտեմ թէ ինչ է այդ... արդէն հոտէն կը ճանչնամ,  
 Բայց մեղաւորին այդ արիւնը, որչափ տա՛ք է, ճամբա-  
 ներէ՛ն կարծես կրակ կը հոսի... :

— Ինձի ըսին թէ դուք արդէն անոնց աներն ամբողջովին  
 այրեցիք... :

Յետի՛ն դաշտն սլ, յետի՛ն դոնն ալ, խրճիթներուն հետ  
 եւ գիւղերուն ու քաղաքին... :

Բայց ե՛ս ինչպէս վայելեմ, ծնած օրէս այս քարայած  
 կողերովս,

Միայն ականջս է երջանիկ, փառք Աստուծոյ որ գոնէ՛,  
 Ութ օրէ ի վեր կ'իմանամ, հողեվարքի, հեծեմանքի ա-  
 զաղակներն՝

Որ ստապաշա բերաններէն, ձմրան ծովուն մրրկին պէս...  
 Շնորհիւ ձեր յաղթութեան, մեր քաղքին մէջ բարձրա-  
 ցաւ :

Միայն ականջս է երջանիկ, մնացեալն ինձ ցնորք է...  
 Որչափ կ'ուզեմ ես ալ ձեզ պէս սուր մ'ուռնեմալ եւ շար-  
 ժել զայն :

Մանուկներուն, մերկ կ'իներուն, ինձ տարեկից ձերերուն  
 մէջ,

Որչափ կ'ուզեմ սուր մը շարժել եւ եղէգի պէս հնձել  
 զանոնք :

Ամէն վայելք ձեզ համար է, միայն ես եմ որ կուրու-  
 թեանս մէջ լողալով,

Ես ինքզինքս խկ անկարող եմ գոնէ բոպէ մը դիտելու :  
 Աղբիւր չի կա՛յ այս կողմերն որ աչքերս քիչ մը լուամ,  
 Բարկութենէս աչուրներս բացուել կ'ուզեն. տեսնել կ'ու-  
 ղեմ, տեսնել կ'ուզեմ... :

Ո՛ւր էք դիզած դիտները... եթէ զաւակս այս սեղ ըլ-  
 լար,

Անտարակոյս իր ձերունի հօրը վրանս պիտի դիժար,  
 Բայց անցեալ օր ես դինքը՝ ուրքէն զլուս դինել տալով,  
 Օրհնութեամբ օծելէ ետք՝ սուրբ կոիւին դրկեցի,  
 Չիկա՛յ ձեր մէջ, հազարներ էք, բարեկամ մը, դրացի  
 մը որ՝ այսօր,

Իր դաշտնը ձեռքիս մէջը դնելով՝ խարտեաչ սողիկ մը  
 ինձ յանձնէր,

Ես ալ կ'ուզեմ բարիքին մէջ բաժին առնել. կոյր ըլլալս  
 պտածառ մը չէ՛... :

Որ սուրբ օրէնքն անարգելով՝ արքայութենէս ալ դրկուիմ,  
 Խարտեաչ սողիկ մը ինձ բերէք որ ժարմիւր թարմ ըլլայ,  
 Աղաւնիի մոխն նման... իմ ձեռքերս դեռ անվարժ են...  
 Խարտեաչ սողիկ մը, լսող չի՛ կայ, եւ դաշտն մը ս՛ջ  
 ձեռքիս :

Պահ մը յետոյ երիտասարդ մը՝ հոյ կոյսի մը ծամէն բռնած,  
 Կոյր հրէշին ակնածանքով մը մօտենալով, եկաւ լսաւ... :

— Զաւակդ իմ բարեկամս է եւ հայրս ալ քեզ հին ծանօթ,  
 Թերեւս դուն իմ ձայնէս, կարենաս զիս դուշակել...  
 Ժամանակով ես Սուրբ Գրքէն ընթերցուցնե՛ր բրած եմ  
 քեզ... :

Այս աղջիկն ես ինձ համար ընտրած էի սա մօտակայ  
 գիւղերէն,

Բայց հաւատքի դեռ չեկաւ, ու կը մերժէ իմ կ'ինս ըլ-  
 լալ... :

Եւ աչքերէն ես կը ստեղծեմ, կրնայ օր մը, գիշեր ստանն,  
 անկողնիս մէջ զիս խեղդել... :

Հազար ախոս որ կոյր ես, բայց ձեռքերովդ իր մարմինը նախ շոչափէ,

Տե՛ս իր ձեռերն մանկամարդի, մտրուկի մը պէս դեռ կրակոտ,

Ահաւասիկ քու առջեւդ է մարգագետնին վրայ մերկ,  
Շունկի նստէ ճիշդ այդտեղ, ա՛նա՛ այդպէս, ծաղապատիկ.  
հանգի՛ստ ես հոտ,

Աջ ձեռքդ ինձ երկարէ, ահաւասի՛կ դաշոյնս, սի՛ն կը տեսնեմ որ անվարժ ես,

Չէ՛, այդպէս չէ որ կը բռնեն, բխամատդ բռնին վրայ.  
Բոլոր ուժովը բազուկիւդ, մէկ հարուածը, ես կը յուսամ պիտի բաւէ...

Երբ մերկ մարմինն աղջկան, ալիքի մը պէս կառաղի,  
մարդին վրայ կը փրփրէր...

Յանկարծօրէն կարմիր ձեռքեր դայն բռնեցին, որբ կարապին ճերմակ թոխն այդ՝ հողին գամող՝

Եւ լաչակով իր սգաւորի, անոր կապոյտ նայուածքները կապելով...

Ձեռք մըն ալ եկաւ, բերնին վրայ, կոյսին ճիչերն կոկորդին մէջ մեսցնելու...:

Եւ ծերունին թեզանիքներն վեր շրջելէն՝ խուպոտ ձայնով մը ըսաւ.

— Հազար սպրի՛ք: Կարծեմ թէ ես պատրաստ եմ: Դաշոյնս արդեօք՝ կը դողս՞ջ...:

Սիրտը ո՛ւր է, զաւակներս, ո՛րչափ կ'ուզեմ սրտին ուղղել, ո՛ւր է սիրտն այս աղջկան...:

— Սպասէ՛ որ ձեռքդ ճշդեմ, ահաւասիկ, ձախ ստինքէն քիչ մը վա՛ր...:

. . . . .  
Եւ աստուածային արիւնն անախրական հայ աղջկան...  
Բոցալառուած ծաղիկներու փունջի մը պէս,  
Երբ իր սրտէն դէպի դէմքը դժոխածին ծերունիին  
ժայթքեցաւ,  
Թշուառական ութսունամեան ոտքի ելած՝ ամբոխին մէջ  
աղաղակեց.

— Մի՛ն, կարծեմ թէ լոյսը տեսայ, ես այսօր իսկ լոյսը տեսայ...:

Կարծես կոպերս չը բացուին. մեռա՞ւ աղջիկը, չո՛ւտ ըսէք,  
Իմ քարացած աչուրներուս սև թաղանթն անօտրայսու...  
Ահաւասիկ թէ ի՛նչ է բարիքը. զաւակներս, արդեօք ըս՞ցն էր որ տեսայ...:

# ԹԹԵՆԻՆ

## Նամակ Իններորդ

Եւ ի՜նչպիսի անողոք մխիթարութեան մը համար էր որ,  
Չեռքերնուս մէջ, ձեզմէ հասած, քանի մը ծրար ցնցու-  
տիներ,

Երկու ընկեր, մնում գիւղէ մը, ուրիշ գիւղ մը կը քա-  
լէինք...

Երբ ճամբուն վրայ պատահեցանք ձեր կնոջ մը կտրա-  
քամակ,

Որ հացի պարկ մը ուտէն կախ և ցուպի մը վրայ յենած,  
Եկաւ մեզի, իր ցաւին հետ, դանդաղութեամբ մօտեցաւ :

— Սուսուտէն մինչև հիմայ մինաւորիկ կը թափառիմ,  
Այրած տանս մոխիրները փնտռելու,

Ութ օր եղաւ որ մեր գիւղը դրացիներն աւերեցին,  
Իմ մեծ որդիս, կռիւին մէջ իբր կտրիճ մնաւ, ըսին.

Բայց վերջին լողանքն ևս բրի, առուակի մը ջրերէն...

Եւ հին օրերու դրացի, բայց այսօրուսն թշնամիներ,  
Ծերութեանս, աղերսանքիս, արցունքներուս զթաղով,

Բարեկամներու նման — ալ բարեկամ չէ՛ր մնացեր — ելան  
եկան,

Նարնջենիկի այգիի մը մէջ, օր մը յետոյ, անոր զխակը թա-  
ղելու...

Աչքերուս մէջն ալ արցունք ալ չի մնաց որ՝  
Հողհնատոր թունիկիս մահը՝ նստած ևս լայի...

Ութ օր է որ խնիթի մը պէս վրանէ վրան կը շրջիմ...

Ո՛չ քուն ունիմ, ո՛չ արթուն, մրայն գինքը կ'երազեմ...

Թո՛ղ աշխարհս քանդէին, բայց թունիկս ինձի մնար...

Թուանս անղը զի՛ս մեացուցէք, զի՛ս մեսցուցէք, գո-  
ուացի, լսող չեղաւ...

Ազաւանքիս լսող չեղաւ... և կիսամնու պատանին...

Դիակներու սահմանուած ապլի մէջ նեանելով...

Վանքին ճամբէն հեռացուցին, սիւ իր աչքերը, իր աչ-  
քերը դեռ կը տեսնեմ...

Երկար ստուն աչքերը բայց, հոգին տալով, ինձ նայեցաւ,  
Սալլին ձայնը դեռ կ'իմանամ, ճանչելով կը թաւալի...

Չարձուրելի հեծկտուք մը կնոջ մարմնը ցնցեց,  
Բայց իր արցունքը կուլ տալով, ինձ նայելէն, դեռ ը-  
սաւ... :

— Ալ տուն չիկայ, անուր չի կայ, մահուանս հետ մինակ  
եմ,

Պէտք էր տեսնել իմ տնակս, ինչ բարիքի օճախ էր...

Գանուկներս, հաւերուս, և աքաղաղիս հետ ճերմակ,  
Բոլոր մէկ, բոլոր մէկ դոմին մէջն այրուեցան...

Աչնան համար, ամբարիս մէջ, ասի մը ցօրն ունէի,  
Եւ երգիքիս կառքին տակ մեղուններու երկու փեթակ,  
Այս բոլորը, օրուան մը մէջ, մեր գիւղին հետ վառեցին :

Բուխերիկս, շինուած օրէն ամէն առտու կը միար...

Ինչ կ'ուզէին այս բոլորէն, ինչ կ'ուզէին, դուք ըսէք...  
Աջ կողմերնիդ նայեցէք, անաւասիկ աւերակը տնակիս.  
Տեսէ՛ք ապրիւրս որ քարուքանդ պատին տակէն առու  
կազմած...

Մաղիկներուս փոխարէն, մոխիրնե՛րս ջրել կ'երթայ...  
 Բայց այս բոլորը թունիկիս քով ի՞նչ կարծեն...  
 Ա՛հ, երկու քարեր տուէ՛ք ինձի որ ձեռքս առած զլսիս  
 զարնեմ...  
 Թթենիս ալ կտրտեր են, մա՛նը զլսիս, թթենիս ալ կտրտ-  
 անք են,  
 Ես թուանս ծնած օրը անկած եմ զայն, թթենիս ալ  
 կտրտեր են...  
 Վա՛խ իր յիշատակն, հասակին պէս աչքիս առջեւ կը բարձ-  
 րանայ,  
 Եօթը տարինոր բոլորեց, եւ ես արդէն իր շուքին տակ...  
 Գրկիս մէջը թունիկս առած իրեն օրօրը կ'երգէի...  
 Թթենիս ալ կտրտեր են, հո՛ս նայեցէ՛ք, իր արմատէն թթե-  
 նիս ալ սղոցե՛ր են,  
 Դիակներուն սայլը ս՛ւր է, դիակներուն սայլը ո՛ւր է, ես  
 իր ձուինչը կ'իմանամ...  
 Ես ալ կ'ուզեմ մէջը նետուիլ, թուանս քով, սայլին մէջը  
 դեռ տեղ մը կա՛ր...:

Տեսարանը ա՛նաւոր էր: Թշուտ կլինը թթենիին սղոցուած  
 ճիւղին փաթթուած...  
 Գետին ինկաւ...: Ես չի կրցայ իմ հեծեծանքս զսպել...  
 Մինչ՝ մոխիրներու եւ մահերու տոնդէական ճանապարհին՝  
 Ինձ ուղեկից բնկերուհիս՝ մանկան մը պէս սկսաւ լալ...:

## ԽԵՂԴԱՄԱՀ

### Նամակ Ցասներարդ

Եւ գեանափոր նկուղին մէջ քառասուն անձ՝  
 Արջառներու սարսափահար հօտի մը պէս,  
 Որ աւազանողմին հարուածներէն կը հալածուի,  
 Մանուան դիմաց դողահար և մէկզկէկ ջախջախելով՝  
 Չորս պատերուն մէջը խաւարչտին՝ խոնուեցանք...:  
 Ապտառածի լուռթիւն մը իր սարսափովը կը ծանրանար,  
 Շշուէ չի կար. չնչող չի կար. չրթունքները փակ էին,  
 Եւ ամէնուս նայուածքները քստմնելի և դիւային,  
 Մէկզմէկու վրայ յառած՝ մէկզմէկու մահ կ'ուզէին...:  
 Արեւծագէ մը մինչ՝ արեւծագըն յաջորդ,  
 Այսպէս անձայն եւ անօթի, գերեզմանի քարերուն պէս՝  
 Մենք մեր մարմնոյն վրայ՝ մեր սարսափն երկաթեցինք...:  
 Ու մեր թաքուն կատաղանքն եւ կարօտը կտորեկու  
 մտածումով՝  
 Մեզմէ շատերն սկսան մոլեգնօրէն, իրենց մատները կըր-  
 ծոտե՛լ...:  
 Եւ սպառաժեայ լուռթիւնը անուշին պէս մեր աչքե-  
 րուն կ'երկարէր...:  
 Բայց արեւին տակ հազարաւոր անասնադէմ բարբարոսներ՝

Բերրի դաշտերն ու գիւղերն աւերելէ զեռ չի յողնած,  
Մեր թաքստոցը վնասուելով՝ մեր մահը զեռ կ'ուղէին:  
Եւ գետնափորին մութերուն մէջը մահացնոր՝  
Մենք սարսափով, սարսափով, սարսափով էր որ լսե-  
ցինք:

Հրազէի, նիզակներու, սուխններու եւ սուրերու,  
Կայծակնապար շառագիւնն որ արեւին աակ կը վառէր...  
Ու գիւտնէր, գիւտնէր մեր նկուղին երդիքներուն վրայ,  
Արմատախիլ ծառերու պէս, սրափանքով վար կ'իջնային,  
Հոգեւարքի հանդիւններ՝ մերթ ամենի եւ մերթ իտու  
Պատերէն ներս, նկուղին մէջ կուգային մեզ ցնորի:  
Եւ հողապատ ձեզունէն, որ մեր վրան դաղաղի պէս կը  
փակուէր՝

Վերը հոսող սաք արիւնը յորդառատ՝ ծակաիքներէն վար  
սուզուելով...:

Սկսու ալ կաթիլ կաթիլ մեր գէմքերուն վրան ծորիլ...:  
Բացց նորածին մը նորէն սուր ճիչով մը սկսաւ լալ,  
Մեր դաւածանն անտարակոյս այդ անմեղը պիտի բլար,  
Որոշման մը, եղեանի մը, ոճիրի մը յոյսը միայն կար մտի,  
Երբ իր մայրն հեծեծանքով մը, ալ վերջապէս փախոսց...:

—Սատուած մնզի թող զթայ, ստինքներս պարսպ են.  
Մ'լ կաթիլ մը կաթ չունիմ, մինչեւ արիւնս ծծել սուի.  
Մ'լ կաթիլ մը կաթ չունիմ, ինչ որ կ'ուզէք վճուեցէ՛ք...:

—Պէտք է խեղդե՛լ, բսաւ մէկը իր բաղուկն բարկու-  
թեամբ մը երկարելով,

—Պէտք է խեղդե՛լ... փախացինք քառասուն անձ նոյն  
ասին...:

—Նախ եւ առաջ իս խեղդեցէ՛ք եւ յետոյ իմ զաւակս,

—Ձայնը աւին, տանիքն արդէն, բրիչներով կը փորեն...:

—Բոլորս մէկ մատնուեցանք, արդէն տանիքը կը փորեն...:

—Արդէն հողը վար կը թափի, լցան արդէն կ'երեւայ...:

—Կը պաղատի՛մ, խեղդեցէ՛ք զիս, ահուատիկ իմ կոկորդս,  
եւ կոկորդն իմ զաւակիս...:

Ու հայ մայրն իր վզին հետ՝ զաւկին վիզը մութին մէջէն  
մեզ երկարեց...:

Խաւարին մէջ, երկու բաղուկ ծծերու պէս զայտարուէին,  
Մանկան վիզը զսնելով՝ ահեղութեամբ մը զայն սեղմու-  
ցին...:

Լուռ-թիւնն այս անգամ նկուղին մէջ մորիկ մ'էր...:

Ես բոպէ մը, կարծեցի որ, բոլորս մէկ արժանապէս մա-  
հացանք:

Պահ մը յետոյ խաբուած մարդու հայհուջներով աղմա-  
թաթաւ,

Ձգացինք որ արիւնախում խուժանը յուսահատած, կը  
հեռանար...:

Փրկութի՛ւն էր մնզի համար: Սարուկները կը փրկուէին:  
Ս.յսպէ՛ս պէտք է փրկուիլ...:

Ու ամէն օր այդ խեղճ կինը կխաամերկ՝ ճամբաներուն  
վրայ կեցած,

Անձանօթի՛ն, անցորդի՛ն, թշնամի՛ն եւ օտարի՛ն,

Քղանցքներուն փաթթուելով, խենթի մը պէս կ'աղա-  
ղակէ...:

— Սա՛ ձեռքերս կը տեսնէ՞ք, կը տեսնէ՞ք սա ձեռքերս,

Ես էի որ ստոնցմով, նկուղին մէջ, իմ նորածինս խեղդեցի...

Հաւատացէ՛ք, ես էի որ զայն խեղդեցի, ի՛նչ անարդար մարդեր էք,

Դուք ալ դո՛նէ զիս խեղդեցէ՛ք, իմ ձեռքերս անզօր են. Ես էի որ նորածինս նկուղին մէջ բոլոր ուժովս խեղդեցի...

Սիրտ չունի՞ք դուք, խեղդեցէ՛ք զիս, իմ ձեռքերս ա՛լ ուժ չունին...:

## ՅԱՂԹԱՆԱԿ ՄԸ

### Նամակ Տասնրմէկերորդ

— Բաղաքին մուտքն այս սուսուտ պէտք է բանալ, Պատուարներն ու պատնէշներն յե՛տ չըջկուով, Պէտք է բոլոր սգաւորներն, այրիներն ու որբերն արտասուաթոր,

Մեր սէրերուն և սուրերուն ապաստանին...:

Պէտք է քաղել դեռ գիւղէ գիւղ, փլատակէ փլատակ.

Ու եղբայրական ձեռքերով՝ ժպիտներով յուսատու,

Ի մի խրմբել անօդնական գիւղացիներըն ցուակոծ:

Կուրի կոչել և հաւատքի մը զօրութեամբը դրանել զանոնք.

Կեանքը սիրելն արդէն, յաղթանակին միակ քայլն է:

Բոլոր անոնք որոնք չունին շէկ կտոր մը երկաթի,

Կամ բազուկներ բարկաչարժ կատաղութեամբ զարնելու,

Թո՛ղ խու՛մբ առ խու՛մբ մեր սեմերէն ներս մտնեն:

Չոք-Մարզուանն հարուստ է կրակներով և կտրիճով:

Պատուարներն ու պատնէշներն յե՛տ չըջեցէ՛ք...

Ահաւասիկ փախստականներն մտնաուեսիլ՝ կը համոյն...

Մէ՛ն, ի՛նչ աղիողորմ ու ցաւագին կարաւան,

Մարմիներ կան որ թեւ չունին...

Եւ իրաններ, առանց ծունկի, փորի վրայ զարնուբանքով մը կը սողան...

Եւ ջախջախուած ծնօաներով ձերունիներ «օգնութիւն մեզ» կ'աղաղակեն ,

Անտիրական հարիւր զիւղէ տեսէք ինչպէս մեզ կը հասնին . . .

Տեսէ՛ք հարմներն ու կոյսերն հպումներէ ամօթահար . . .

Տեսէ՛ք մայրերն սրնոց անքայլ որդիներն մատաղա՛շ՝

Սուրի դժխեւ՝ հարուածներով իրենց ծունկին վրան խկ՝ կացիններով կոտորուեցան . . .

Բոլորդ մէկ ներս մտէք, դեռ թշնամին չի հասած . . .

Բայց արցունքներն այս օրերուն համար չեն . . .

Պէտք է զինուիք ամէն բանով, կայծքարերով կամ բահերով .

Գերանդին ալ, բրին ալ և երկաթ կոթն արօրին ,

Կրնան զմեզ յողթանակին մօտեցնել :

Ես չեմ ուզեր լացի ձայներ հոս խմանալ ,

Յուսահասներն թո՛ղ հանդարտին և համբոյսե՛ր խիզախներուն . . .

Բաւակա՛ն է որչափ որ լուսութիւնով աղերսեցինք . . .

Եւ խունկիրէն և խաչերէն և Սատուձմէն չարածիծաղ ,

Եւ մարդակիր մարդկութենէն մոլեխանձ .

Բաւական է որչափ որ մուրացիկներու հման ,

Այս բոլորին սուջեւք, ձեռքերնիս լաց , ծնրաղիւր ,

Պաղատեցանք, սիրտ կոծեցինք մեր աչքերը փորելէն . . . :

Ինչ որ տեսանք այս օրերս, դարերն խկ չեն տեսած .

Եւ ո՛չ ալ խկ պատմութիւնն ՚ին բարբարոս օրերու ,

Դեռ չէ կրցեր արիւնծարաւ այս ահաւոր մարդկութեան ձակաին վրայ և հողւոյն մէջ . . .

Այսչափ արիւն , այսչափ ոսկոր հեղեղել . . . :

Մեր վճիռը վճիռ է . եղբայրութեան մեր կոչերն սըրտատուտ ,

Թշնամիներն քրքիջներով ընդունեցին . . . :

Այսուհետեւ , հաւատացէ՛ք . մեր վճիռը վճիռ է .

Երկու հարիւր երիտասարդ ձեր վշտերովն սպառաղէն ,

Ձեր բոլորին ճակատագիրը մահէն ի կեանք պիտի ուղղեն ,

Չոք-Մարգուանն եօթն օրէ վեր շարունակ ,

Առանց ջուրի սև ծարաւէ մը կը ծիւրէր . . .

Աղբիւրները ափերնուս մէջ Հայ արիւնը հասեցուցին .

Եւ նարնջենիի դաշտերէն , կայծակներուն պէս փախչող ,

Առուակներուն աղամանդեայ ուղղութիւնն ,

Թշնամիներն դէպ արեւելք դարձուցին . . . :

Բայց կոխով մը մենք խլեցինք վերջապէս գետի մը վազքէն յորդատուտ ,

Առու մը ջուր , որուն վրայ հողարաւոր պապակածներ ,

Իրենց գլուխը հակած , տեսէ՛ք ինչպէս անկէց կըմպեն . . .

Եօ՛թն օր էր որ սա՛ ծառերուն տերեւները ծծելէն ,

Մեր լեզուները քիւ՛քերնուս հետ արիւնեցան . . . :

Եօ՛թն օր է որ չոր հացի տեղ մոխրէն շտապած խմոր կերանք ,

Եօ՛թն օր է որ արշալոյսէն մինչ իրկուսն և վերջալոյսէն առաւօտ ,

Պատնէջներուն վրայ ոտքի՛ չորս կողմերէն՝ թշնամիներն յե՛տ մղեցինք .

Որովհետեւ և ո՛չ մէկ կոչ եղբայրութեան , ո՛չ մէկ հրաւէր զինադուլի ,

Դեռ չի՛ կրցան այս դժբախտներուն երկաթ մրրիկը կտտեցնել . . . :

Ու մարմինը յաշտութեան պատգամատար մեր ուղղմիկին ,

Դաշոյններով կատաղութեամբ խոցոտուած՝

Ու խաղաղութեան իր ձերմակ դրօշն իբրեւ պատանք ,

Առաւօտ մը , իբր ընծայ , յե՛տ ղրկեցին . . . :

✓ Ե՛՛թն օր է որ մոլեգնորէն գրո՛հ կուտան մեր վրայ ,  
 Ու միմիայն անգիտակից և ողբալի զո՛հեր տալով կը նա-  
 հանջին . . .

Բայց ի՛նչ է կամքը և կորովը այդ վատնօղի վո՛հմակին ,  
 Որ Գողափարի և Գեղեցկութեան համար չէ՛ որ կը  
 շարժի ,

Այլ երկբայելի և չի հասկցուած կրօնքներու ժանտին հա-  
 մար կը մենչէ .

Կամ գողութեան , կողոպուտի և աւերի իր վաղանցուկ  
 յոյսերուն . . . :

Բոլո՛ր պղինձն , բոլոր կապարն , բոլոր թիթեղն և արոյրն  
 այս քաղաքին ,

Հնոցներու մէջ հրավառ , մեր կիներն քաջարի , գնդակ-  
 ներու , սուրններու վերածեցին :

Ամէն ոք իր ղէնքերն կրակի պէս թո՛ղ ձեռքն առնէ ,  
 Ահաւասիկ որ ծովուն պէս դէպ ի զմեզ կ'աղեծփին . . .

Մեր բոպէները դարեր կ'արժեն , դարեր կ'արժեն . . .

Կրակեցէ՛ք , կրակեցէ՛ք հեռուներէն Յոյսը մեզի կը նայի .  
 Ինչպէս ըսին այս առաւօտ իրենց թիւն է յիսուն հա-  
 զար . . .

Պատնէջները բարձրացէ՛ք և հարաւէն և հիւսիսէն ,  
 Տարերային տարափներով՝ կրակեցէ՛ք անխնայ , այլևս  
 մեր խիղճն հանդարտ է .

Մեր հողիներն ըմբոստ՝ մեր հայրենիքն հողակոյտ , մեր  
 ապագան աղիտաւոր ,

Կրակեցէ՛ք ձեր զո՛հերը առաքելի և աշխատապաշտ քաղ-  
 քացիներ չեն երբե՛ք .

Այլ ցեցերն ե՛ն և ցեխակոյտն՝ այսչափ ատեն մեր երա-  
 գած եղբայրութեան . . . :

Ապարո՛շին ուղղեցէ՛ք , այն որ ձեռքը դբօշ մ'ունի և ձիու  
 մը վրայ բազմած ,

Քարոզներովն իր կարմիր խեղճ խուժանը խենթեցուց . . . :  
 Ապարօշին , ապարօշին . . . ահաւասի՛կ որ իր ուղեղն ու-  
 սին վրայ կը հօսի .

Դրօշին հեռ , իր դիակն , երխլարէն վար ինկաւ . . . :  
 Կրակեցէ՛ք որ խեղճ խուժանը նահանջէ՛ , կրակեցէ՛ք մի՛ն-  
 չեւ որ՝

Ծովուն վրայ քնացող ուղմանաւերն օտար ,  
 Արդարութեան անղնդախոր իրենց քունէն թերեւս բո-  
 պէ մը արթնան . . . :

Կրակեցէ՛ք , իրենց խուճապն սկսաւ , դիակները կոխու-  
 տելով կը փախչին . . .

Կրակեցէ՛ք , կրակեցէ՛ք . . . բայց . . . բայց . . . ես արդէն  
 կը մեռնիմ . . .

Ես իմ սրտէս զարնուեցայ . . . իմ մարմինս ձեզի պատնէչ . . .  
 Յաղթանակը մեզի է , կրակեցէ՛ք աստեղաբիբ եղբայրներ . . . : ✓



# ՇԻՐԻՄՆԵՐԻ ՀԱՄԱՐ

**ՏԱՊԱՆԱԳԻՐ**

Պիլգրիմների ներդրագիրը չէ այս բանակա-  
նաձևով ևս, եւ ոչ էլ վշտի ախորժաւուր մե-  
ղեղին, այլ Երեւանի յուշարձանը, ձեռակերտուած փշուռ  
գանկերից, բրձուած արցունք-արեան շողախով :

Քանաստեղծը չ'երգեց, այլ նկարեց:  
Երականութեան ցրչանկարն է այս:

Կա՛նգ առ , անցորդ-աշուղ , այս Երեւանապատումի  
առջեւ, տկանջ դիր Կիլիկեան շիրիմների անապառ ողբին,  
ու գնա՛ պատմիր Հայկական ձորերին ու լեռներին, անխօս  
վկաները ցեղակեր սնիրների, ու հեռուների չարախինդ գո-  
րաւորներին, յաւերժական նախատիներ մարդկայնութեան,  
պատմի՛ր ու երգի՛ր՝

Այն փոքրերի մասին, որ մեծացան Վշտով,  
Ու այն մեծերի մասին, որ փոքրացան Երեւանով:

Պատի՛ր ու պատմի՛ր, որ՝

Այսօրուան տանջանքը՝ մայրն է մեր պարծանքի,  
Այսօրուան տանջողը՝ նախատինքը գալաղ սերնդի :

Պատմի՛ր ու կրկնի՛ր, որ՝

Վշտի կսկիծը՝ ժամանակը կ'աննի.  
Նախատինքի բիծը՝ մեր Սէրն իսկ չի մահրի...:

Պատմի՛ր ու կոչի՛ր, որ՝

Աշխարհ լսի, լսի ու գարմանայ,  
Զարմանալով գուցէ մեր ցաւը հասկանայ:

Օգոստոս 1909

Է. Ս.Ն.ՈՒՆԻ



ՏՊԱԳՐ. Օ. ԱՐՁՈՒՄԱՆ  
№ 23

## ՀԵՂԻՆԱԿԻՆ ԱՇԽԱՏՈՒԹԻՒՆՆԵՐԸ



- ԴԻԻՑԱԶՆՈՐԷՆ . . . . . (Սպառած) 1902 Փարիզ  
ՀԱՅՈՐԴԻՆԵՐԸ Ա. շարք . . . . . (Սպառած) 1905 ժընէվ  
ՀԱՅՈՐԴԻՆԵՐԸ Բ. շարք . . . . . (Սպառած) 1906 ժընէվ  
ՀՈԳԵՎԱՐՔԻ ԵՒ ՅՈՅՍԻ ԶԱՇԵՐ . . . . . (Սպառած) 1907 Փարիզ  
ՀԱՅՈՐԴԻՆԵՐԸ Դ. շարք . . . . . Գին 5 դր. 1908 Փարիզ  
ՀԱՅՈՐԴԻՆԵՐԸ Բ. տպագր. Ա. և Բ. շարք. Գին 5 դր. 1908 Պոլիս

Սոյն գրեքէն սպառածները յաջորդաբար  
հրկրող սպագրութամբ լոյս պիտի տեսնեն 4. Պոլսոյ մէջ

## ՊԱՏՐԱՍՏՈՒԹԵԱՆ ՍԷՋ ԵՆ



ԵՂԵՐԱՄԱՅՐԸ

ԽԱՆԱՍՈՐԻ ԱՐՇԱԿԱՆՔ

ՀԱՅՈՐԴԻՆԵՐԸ (Վերջին շարք)

ՍԱՐՍԱՓ (Տռամերգուծիւն)

ԱՍՏՈՒԱՄԵՐԳՈՒԹԻՒՆ (Մասնուժի և կեանքի տանարներ)

ԲՆՈՒԹԵԱՆ ԼԱԳԸ

616

Թուրքիոյ մէջ 3 1/2 դր.

Ռուսաստան 30 կոպէկ, Ամերիկա 15 սէնթ

Եւրոպա և ուրիշ վայրեր՝ 80 տանգիմ

891.90

U-47

1

« Ազգային գրադարան



NL0363214

54941